



Pravilnik o radu Statutarne komisije

**Islamske zajednice Bošnjaka
u Švedskoj Džemat Stockholm**

Org. Nr. 802017- 6882

Na osnovu člana 35. Statuta Islamske zajednice Bošnjaka u Švedskoj – Džemat Stockholm, Skupština Džemata na svojoj sjednici od 28. 11. 2020. godine donijela je

PRAVILNIK

o radu Statutarne komisije

Član 1.

(Svrha)

- (1) Ovim Pravilnikom u skladu sa Statutom Džemata reguliše se rad Statutarne komisije.
- (2) Statutarna komisija je zadužena za rad na doradi i promjenama Statuta, pravilnika i drugih normativnih akata.
- (3) Komisija daje prijedlog tumačenja Statuta, pravilnika i drugih normativnih akata nadležnom organu.

Član 2.

(Definicija)

- (1) Statutarna komisija je stalna komisija koju imenuje Skupština Džemata.
- (2) Komisija broji pet članova.
- (3) Mandat članova Komisije traje četiri godine, s tim da isto lice može biti birano najviše dva uzastopna puna mandata, nakon čega mora pauzirati najmanje jedan puni mandat.

Član 3.

(Konstituirajuća sjednica)

- (1) Konstituirajuća sjednica Statutarne komisije održava se najkasnije mjesec dana od dana preuzimanja funkcije.
- (2) Konstituirajuću sjednicu saziva i njome predsjedava član koji je:
 1. bio predsjedavajući u prethodnom sastavu,
 2. bio član u prethodnom sastavu,
 3. dobio najveći broj glasova.
- (3) Na ovoj sjednici članovi Statutarne komisije između sebe biraju predsjednika Komisije na mandat od dvije godine.
- (4) Na ovoj sjednici Statutarna komisija donosi tehnički plan rada za tekuću godinu.

Član 4.

(Zadaci)

Zadaci Statutarne komisije su sljedeći:

1. analizira primjenu Statuta i drugih akata Džemata u svrhu njihovog poboljšanja,
2. davanje prijedloga tumačenja odredaba Statuta i drugih akata Džemata,

3. davanje prijedloga tumačenja novih normativnih akata i zakona koji su predmet tijela našeg Džemata i tijela viših organa Islamske Zajednice,
4. formulisanje prijedloga Statuta i pravilnika,
5. formulisanje prijedloga za izmjenu ili dopunu Statuta i pravilnika.

Član 5.

(Proces rada)

(1) Statutarna komisija na osnovu potrebe ili na osnovu odluke Skupštine ili Džematskog odbora radi na prijedlogu Statuta, prijedlogu pravilnika, prijedlogu izmjene ili dopune Statuta, kao i prijedlogu izmjene ili dopune pravilnika.

(2) Pri izradi prijedloga Komisija može konsultovati predlagača izmjena za dodatna pojašnjenja kao i tražiti mišljenje imama, pojedinih džematlija ili lica van džemata kad se za to ukaže potreba.

(3) Svaka izmjena ili dopuna mora biti u skladu sa:

- švedskim zakonima,
- ustavom Islamske zajednice u BiH,
- Pravilnikom o organiziranju Islamske zajednice u BiH u dijaspori,
- Statutom IZBuŠ-a,
- praksom vođenja i rada udruženja.

(4) Statutarna komisija svoj prijedlog izmjene ili dopune Statuta i pravilnika dužna je dostaviti na raspravu Džematskom odboru. Ta rasprava se održava najkasnije 2 mjeseca prije skupštinske sjednice na kojoj je planirano usvajanja prijedloga. Rasprava sa Džematskim odborom je savjetodavnog karaktera.

(5) Poslije rasprave sa Džematskim odborom Komisija razmatra primjedbe i prijedloge, te po potrebi dorađuje svoj prvobitni prijedlog.

(6) Statutarna komisija saziva članove Džemata na javnu raspravu o prijedlogu izmjene ili dopune Statuta i pravilnika. Ta rasprava se održava najkasnije mjesec dana prije skupštinske sjednice na kojoj je planirano usvajanja prijedloga. Rasprava sa članovima Džemata je savjetodavnog karaktera.

(7) Konačni prijedlog za izmjenu ili dopunu Statuta i pravilnika može se usvojiti ili na vanrednoj ili na redovnoj Skupštini.

(8) Prilikom usvajanja izmjena prvo se na glasanje daje kompletan prijedlog izmjena Statuta i pravilnika. U slučaju da kompletan prijedlog ne dobije podršku može se svaki amandman pojedinačno staviti na glasanje ukoliko nije povezan sa nekim drugim amandmanom. U slučaju povezanosti dva ili više amandmana mogu se ti povezani amandmani zajedno staviti na glasanje. Glasa se samo za dostavljene prijedloge u pismenom obliku bez mogućnosti izmjena na Skupštini.

(9) Usvojeni Statut ili izmjene i dopune Statuta se nakon usvajanja dostavljaju IZBuŠ-u na mišljenje o usaglašenosti sa statutom IZBuŠ-a.

(10) Eventualne sugestije IZBuŠ-a stavljaju se u proceduru za izmjenu i dopunu Statuta regulisanu ovim članom.

(11) Nakon pozitivnog mišljenja o usaglašenosti sa Statutom IZBuŠ-a, IZBuŠ šalje Statut Rijasetu Islamske zajednice na mišljenje o usaglašenosti sa Ustavom Islamske zajednice u BiH i Pravilnikom o organiziranju Islamske zajednice u BiH u dijaspori.

(12) Statut, kao i izmjene ili dopune Statuta, stupaju na snagu nakon što dobije pismenu saglasnost Rijasetu IZ u BiH.

Član 6.

(Način tumačenja)

(1) Statutarna komisija na traženje nadležnog organa ili Komisije daje prijedlog tumačenja normativnih akata.

(2) U tumačenju normativnih akata Džemata Statutarna komisija koristi dva različita modela tumačenja: objektivna i subjektivna interpretacija.

(3) Objektivna interpretacija je tumačenje jezičkog značenja teksta.

(4) Subjektivna interpretacija je tumačenje dijelova u kojima sam tekst ne pruža dovoljno uputstva.

(5) U subjektivnoj interpretaciji uzima se u obzir dosadašnja praksa, kao i pravni akti Islamske zajednice Bošnjaka u Švedskoj i Rijasetu.

Član 7.

(Način odlučivanja)

U slučaju da u Statutarnoj komisiji nema konsenzusa oko tumačenja ili preformulisanja akata, Odluka se donosi natpolovičnom većinom.

Član 8.

(Arhiva i dokumentacija)

(1) Statutarna komisija pismeno dokumentuje svoj rad.

(2) Dokumentacija o radu Statutarne komisije je sastavni dio arhive Džematskog odbora.

(3) Članovi nove Komisije treba da pregledaju dokumentaciju Statutarne komisije iz prethodnih godina u cilju sticanja iskustva i upoznavanja o donesenim odlukama, mišljenjima i tumačenjima.

(4) Na sjednicama Komisija vodi zapisnik u koji unosi osim osnovnih podataka o sjednici, sve zaključke i odluke te zaduženja.

Član 9.

(Stupanje na snagu)

Ovaj Pravilnik, kao i izmjena ili dopuna ovog Pravilnika, stupa na snagu od narednog dana od dana njegovog usvajanja.

Član 10.

(Datum usvajanja)

Ovaj Pravilnik usvojen je na Skupštini Džemata, održanoj dana 28. 11. 2020. godine.

Stockholm, 28. 11. 2020. godine

Predsjedavajući Radnog predsjedništva

Mustafa Šetkić

